



古今事文類聚

前集

十九卷之十一



道通文庫
文庫 6
28
9





新編古今事文類聚前集卷之十九

建安

祝穆

和父

編

金陵

唐富春

子和

刊

帝系部

太上皇

羣書要語師古曰太上極尊之稱皇君也天子之父故號曰皇
 不預治國不欲_世帝也漢紀注人之至親莫親於父母故父有
 天下傳歸於子子有天下尊歸於父此人道之極也漢高詔尊
 親之至莫大乎以天下養為天子父尊之至也以天下養養之
 至也萬章強我懿號不若使我為有道之君加我虛尊不若處

我於無過之地唐穆宗詔

古今事實

堯禪舜

堯老而舜攝

舜禪禹

舜曰格汝禹朕宅帝位二十有二載耄期倦于勤汝惟不忘終朕師

追尊太上

秦追尊莊襄王為太上皇

請上尊號

漢高祖詔曰朕被堅執銳帥士卒平暴亂立諸侯偃兵息民天

下大安此皆太公之教訓也朕為皇帝而太公未有號令上尊太公曰太上皇上五日一朝太公太公家令曰皇帝雖子之主也太公雖父人臣也奈何今主拜人臣如此則威重不行後侯上朝太公擁篲迎門卻行上大驚下扶太公太公曰帝人主奈何以我亂天下法帝心善家令言

置酒誇功

淮南王等朝未央宮置酒前殿上奉玉卮為太上皇壽曰始太人常以臣亡賴不能治產業不如仲力公某之業所就孰與仲多殿上群臣皆稱萬歲大笑為樂

逍遙晚歲

唐高祖謂裴寂曰公為宗臣我為太上皇逍遙晚歲不亦善乎

置酒歸德

太宗從上皇置酒故漢宋央宮上命突厥頡利可汗起舞曰胡越一家自古未有帝奉觴上壽曰今四夷入臣皆陛下教誨上皇大說

付託得人

太宗朝突厥可汗至長安上御順天樓盛陳文物引見上皇問擒頡利歎曰吾付託得人復何憂哉置酒凌煙閣公卿迭起為壽

諫幸九成

太宗詔幸九成宮馬周上諫曰太上皇春秋高今所幸宮去京三百里萬一大上皇思感欲見陛下何以逮之今茲本為避暑

行太上皇執處而陛下走涼處溫清之道臣所未安

遷居西內

元宗以蜀郡皇太子即位於靈武明年遷蜀居興慶即南內後皇后張氏稍與政事多以私謁撓權遷太上皇居西內

降詔內禪

紹興二十一年六月丙子高宗降詔內禪上即皇帝位太上皇移御德壽宮皇帝攀戀垂泣步出祥曦殿門員用扶駕至官門弗肯上太上皇謝再三命左右扶掖以還

再世內禪

淳熙十六年正月辛亥上宣諭周必大等曰朕年來積覺倦勤欲旬日間禪位於皇太子退就休養以畢高宗二年之

制三月壬戌詔 皇太子即位朕移御重華宮

古今文集

雜著

憲宗上順宗尊號冊文

文粹

維末貞二年歲次景戌正月景戌朔皇帝臣某稽首再拜奉冊
言臣聞上聖玄邈獨超乎希夷強名之極猶存乎罔象豈足以
表無為之德光不宰之功然稱謂所施簡冊攸著泐冰道德感
於精誠仰奉洪徽有以自竭伏惟太上皇帝陛下道繼玄無業
績皇極膺千載之休曆承九聖之耿光昭宣化源發揚大號政
有崇本不復慶裕格天恩翔春風仁育群品而功成不處褻衣
去之付神聖於冲人想汾陽以高蹈體堯之德與神同符其動

也天其靜也地巍巍畢表無得而言故茲寡昧屬膺太寶懼奉
傳歸之業莫申繼述之志夙夜兢畏惟懷永圖今天下幸安皆
睿訓所被而未極徽號孰報君親是以百臣庶官文武之列抗
疏於內方伯藩守億兆之衆同詞於外請因壽曆以播鴻名臣
不勝大願謹上尊號曰應乾聖壽太上皇帝三朝獻壽之辰應
五紀啓元之始光膺徽稱允協神休斯天下之慶也

上 太上道君皇帝尊號玉冊文 汪藻

維靖康元年歲次丙午六月某甲子朔某日某甲子皇帝臣 御
名稽首再拜奉冊言臣聞道之大者理謝形容名之尊者言絕
稱謂矧脫徒萬乘批糠唐虞獨超希夷事出倫表欲贊之美孰
為端倪然應帝王之運者既同乎人則殫臣子之誠者烏得無

述恭惟 太上道君皇帝陛下 膺累聖之緒 輯三神之休 爰自
踐履不圖 勵精求治 克相民欲 納之太和 用能二十餘年 德業
停格 萬物欣樂 各成其天 俯視區中 無足為者 迺委神靈 襄裳
去之 明黃屋之非心 聽元珠之他得 全以所覆 昇之冲人 方且
高蹈 殊庭 和神秘錄 泯雷聲於淵默 凝泰定之天光 言念父有
成功 必傳之子 子克嗣事 敢忘所天 是用夙夜靡違 力圖報稱
而群情 雖切 備範未昭 幸今方內 底寧 歲豐 兵卻 車書 又軌 指
日可同 豈寡昧 克堪 實慈訓 所致 宜藉典禮 仰正鴻名 臣不勝
大願 謹奉玉寶 上尊號曰 教主道君太上皇帝 伏惟
太上皇帝陛下 與神為友 游物之初 遵汾水而興 垂足訪廣成
而追大塊 玩其清淨 福我邦家 億萬斯年 為眾父母 臣誠欣誠

躍頓首謹言

皇帝帥群臣請 德壽宮恭請加上 光堯壽聖憲
天體道太上皇帝尊號表

臣御名言 近帥群臣 上表恭請 加上尊號 曰 光堯壽聖憲 天
體道性仁 誠德經武 締文太上皇帝 伏奉詔答 未賜俞允 者脩
千二百歲 而為皇時 甫周於七 奏觀二五六經 而建號慶 允屬
於雙親 事冠古今 喜均家國 謂俞旨之 亟下 何謙柄之 猶持 寧
籲群心 存于 屢聽 臣御名 誠惶誠懼 頓首頓首 臣聞 仁由乎性
斯能博施 以無為德 本乎誠 乃可健行 而不息 經武故 一怒而
安天下 緯文故 七旬而格 有苗 億哉 四事之 蕪卓矣 百王之 冠
飛英聲 而騰茂實 當陳漢家 掌故之 儀 因壽膺 而播鴻名 更遠

事文類聚前集

卷之十九

十一

唐帝應乾之冊恭惟 光堯壽聖憲天體道太上皇帝陛下心
潛溥博身濟艱難方垂衣而視天民乃褰裳而陋神器聖國獲
寅恭之報延年昭安樂之功春秋何止於八千甲子正踰於四
百視陶唐異位之載固可萬斯小周室卜年之期徒能十此允
謂生民之未有豈特古來之所稱匪徒微稱孰彰榮遇非不知
功成弗處道廣難名縱益千言於尊崇乎何有矧如八字在揚
厲以尤踈然而神天之祐不可虛華夏之請不可遏伏望沛然
出令許以消休設黃麾於大庭鑊白玉之新牒上德不德以有
德祈勉副於輿情屢書特書不書將繼脩於慶禮謹再奉表陳
情以聞臣御名誠惶誠恐頓首頓首謹言

玉堂雜記

周必大

太上初遜位上尊號時陳丞相康伯當國集議定命學士洪景
嚴遵撰議文然後降詔某時任察官心知其非而無由改乾道
六年郊祀禮成加上尊號某在翰苑始引唐故事乞上率群臣
過宮表請既允然後降詔 國朝止有人主上母后尊號故冊
文稱嗣皇帝靖康上 教主道君之號徐丞相處仁已命汪彥
章藻代作冊文會有疆事不及行禮紹興二十二年初上 德
壽尊號乃承例用嗣皇帝乾道六年 上既表乞加上尊號而
院吏寫表亦稱嗣皇帝私謂未安謹按唐明皇傳位後頗具卿
議肅宗不當於宗廟稱嗣皇帝况親奉表 德壽乎以白虜丞
相允文丞相難之必令尋例其思建炎以後遇節朔遥拜
徽宗表是時翰苑多名士必不誤用乃督吏搜舊牘明日果得

表本一冊止稱皇帝又按韓文順宗實錄載憲宗上順宗尊號
冊文亦稱皇帝臣某此最可據其議遂定

皇太后

羣書要語漢興因秦之稱號帝母稱皇太后祖母稱大皇太后
漢書親嘗稱制坤育天下陳琳傳為天下之母育天下之君
孫扶救文帝祖母稱長樂宮帝母稱長信宮漢官儀

古今事實

二世賢后

思齊太任文王之母思媚周姜成室之婦太姒嗣徽音則百斯
男詩

輒王諸呂

惠帝崩呂太后臨朝稱制廼立凡子呂台呂祿產合子通四人為
王封諸呂六人為列侯太后崩上將軍祿相國產顯兵政恐為
大臣所誅因謀作亂

含飴弄孫

後漢明德馬皇后云吾為天下母而身服大練食不求甘欲率
下也但吾嘗含飴弄孫不能復關政

斥去靡麗

煬帝立和熹鄧后臨朝常以鬼神難徵淫祀無福乃詔有司減
大官道營尚方內省服御珍膳靡麗難成之功

始謚母后

漢世母后無謚。至於明帝始建光烈之稱。蔡邕謚議

不許臨朝

魏文帝著令不許母后聽政。宋高祖遺詔曰：後世若有幼主，朝事一委宰相，母后不煩臨朝。

華唐為周

高宗晚病，風不支天，事一付武后。進號曰天后。中宗即位，天后稱皇太后。廢帝為廬陵王，自臨朝。因改國號周，自稱聖神皇帝。欲以武三思為太子，賴狄仁傑言卒復唐嗣。

垂簾聽政

章獻明肅太后權處分軍國事，聽斷儀式，久而未定。下謂欲每議大政，則皇太后坐，後殿朝執政。朔望則皇帝坐前殿朝群

臣其餘庶務，獨令內押班雷允恭附奏傳命。中書樞密院平決之。王沂公曾時判禮儀院，乃采用蔡邕獨斷所編東漢故事。皇帝在左，母后在右，同殿垂簾。中書樞密院以次奏事，如儀人心乃定。王文正筆談

諫服交冕

明肅太后從謁。太祖詔禮官草儀，倭者密請曰：陛下垂簾，尊稱山呼，及輿服皆王者制度，豈當以後服見。祖宗耶。遂下詔服交冕。諫疏交上，薛簡肅公立朝，蹇諤不文。其談簾外口奏曰：陛下大謁之日，還作漢兒拜耶。女兒拜耶。明肅無答。是夕報罷。澠水燕談

還政天子

章獻明肅太后遺詔尊楊太后為太后禁中與皇帝同議
軍國事閣門促班賀於內東門御史丞蔡文忠公戒臺吏毋追
班乃白宰相曰上奉先太后十餘年今始躬親政事豈宜
以太后相繼耶上聞遂命刪去同議政語朝廷服其亮皇朝
類苑章獻太后崩章惠太后欲踵之臨朝龐籍為殿中侍御
史奏燔閣門所掌垂簾儀制以沮其謀仁宗始專萬幾

撤簾輟座

仁宗晏駕英宗即位以憂得疾大臣議請慈聖光獻太后垂
簾聽政及英廟已安韓魏公琦諷后請還政後數日批出云某
日更不御殿魏公亟令捲簾坐乃白上遂別議太后儀制
請還御寶

曹后稱制曰韓琦欲還政天子而御寶在太后閣皇帝行
幸即隨駕琦因請具索狀祈雨比乘輿還御寶更不入太后
閣即於簾前具述皇帝聖德都人瞻仰無不歡慰且言天下
事久煩聖慮太后怒曰教做也由相公不教做也由相公琦
獨立簾外不去及得一言有允意即再拜駕起遂促儀衛司折
簾上自此親政孫公談圃

女中弄舜

英宗母宣仁聖烈皇后高氏神宗即位尊為皇太后與皇
帝御延和殿垂簾聽政當元豐末垂簾聽政保佑哲宗起司
馬光為宰相天下歸心臨朝九年高瓊贊曰瓊與寇準協謀
真宗親征戮力破敵遂成莫大之功篤生聖后為女中弄舜天

實與之也

權同聽政

哲宗皇帝母曰欽成皇后朱氏

神宗無疾彌留王珪奏請

宣仁聖烈皇太后權同聽政

神宗首肯大皇太后垂簾於福

寧殿立哲宗為皇太子

神宗崩奉遺制即位尊皇太后

曰太皇后皇后曰皇太后

不御正牙

哲宗崩

皇太后坐福寧殿垂簾

徽宗入即皇帝位于福寧

殿奉遺制皇太后權同處分軍國大事元祐二年

皇太后詔

曰祥禫既終典策告具有司遵用

章獻明肅皇后故事予當

受冊于文德殿顧予涼薄實有虧德將來受冊可止就崇政殿

論執政曰母后臨朝非

國家盛事文德殿天子正牙豈女主

所當御乎

古今文集

雜著

後漢后妃紀序

自古雖王幼時艱王家多釁必委成冢宰簡求忠賢未有專任

婦人斷割重器唯秦羊太后始攝政事故穰侯權重於昭王家

富於嬴國漢仍其謬知患莫改東京皇統屢絕權歸女王外立

者四帝臨朝者六后莫不定策帷帟委事父兄冷身孩童以久其

政抑明賢以專其威任重道悠利深禍遠身犯靈露於雲臺之

上家嬰累繼於園犴之下湮滅連踵傾軛繼路

宋朝后妃紀序

古有攝主而秦漢以來則以母后攝國朝稱制者五章獻擁
佑幼君政由房闈而保佑勤勞之恩為天慈聖宣仁德及天
下欽聖昭慈功在社稷而宣仁致治比跡永昭其有自來
矣攝政之賢自秦漢迄今未有加於我宋者也

尊皇太后冊文

歐陽脩

維治平二年歲次乙巳十一月丁巳朔十有六日壬申嗣皇帝
臣某謹稽首再拜言曰臣聞昔者明王之以孝治天下者非家
至而日見也蓋有要道焉推所以行於已者為天下率畫所以
奉其親者為天下先則四海靡然而承風矣洪惟有宋受命
造邦百年四聖而小子獲承之以繼我仁考之遺休餘列芳

與群公卿士夙夜以思勉其不逮庶幾如我仁考付畀之意
以申罔極欽報之心此固慄慄祇懼不敢違寧者也顧惟眇未
之質提携鞠育慈仁煦煦至于有成自我聖母嗣位之始哀
迷在疚而憂勤艱難一日萬務協和緩靖保佑扶持功施邦家
亦惟我聖母永惟至恩大德無物可稱是以稽參典禮率籲
群心合志一辭懇懇倦倦不勝大願謹遣攝太尉具官韓琦司
徒具官胡宿奉玉冊金寶上尊表曰皇太后恭惟皇太后聖
善明哲柔閑靜專與自正位中宮內助先帝陰禮脩而教行
儉德著而下化遂及萬國先於正家逮夫玉几受遺遭時多難
勉徇勤請權同聽決而明識遠慮動懷謙畏深鑒漢家母后之
失訖不踐於外朝及歸政冲人合於易之進退不失其正之聖

是惟全節鉅美固已超出前古而垂法後世宜乎盛烈播于聲
詩尊名光於典冊惟末小子獲奉溫清嗚呼殫九州之富以爲
養未足盡於孝心享萬壽之福而無疆期永承於慈訓臣誠懼
誠忻稽首再拜謹言

皇帝加上 壽皇太上皇后玉冊文 周必大

維乾道七年歲次辛卯正月丙子朔皇帝臣 御名 謹稽首再拜
言曰臣聞君子三樂以父母爲先而王天下不與焉伊上古以
降歷選乎列辟篤於事親履德以盛勤於問安周曆斯過然則
重華協帝享國末年成比屋之封基二南之化又何以加於孝
乎豈不力鮮而功隆治通而効達哉臣以眇末之質夙奉溫清
撫育教誨底于有成實惟我父慈母愛之恩自陟帝位于今九

載勤于邦無盤遊之暇儉于家遵澣濯之志王政興焉德教形
焉亦惟父慈母愛之功也屬者候景初至載秩元祀奉裸主而
先祖聽奠瑄玉而神示格繁釐浹于縉緹太賚徧于華夏穰穰
熙熙臣何力哉揆厥所元亦惟父慈母愛之德也夫天地裕於
萬物萬物無裕於天地况我壽皇太上皇后避功於十亂得道
於少廣冲虛澹泊從黃帝於大庭之館明識慈範豈昧陋所能
稱贊乎然而三神之歡不可忍也臣妾之望不可缺也今鴻名
顯號加於堯父則我聖母曷可後已是用章明具慶率頌衆心
懇懇惓惓不勝大願謹奉玉冊金寶上尊號曰 壽聖明慈太
上皇后伏惟 殿下含章而亨得一而寧誕受帝祉永膺令名
舒太陰之華婉放勳之明躬老氏之慈對如天之仁億萬斯年

保我子孫誠惟誠抃稽首再拜謹言

皇太后受冊寶賀 皇帝表

趙汝談

宸闈展敬立政之大端寶冊揚鴻奉親之令典一人有慶百志
惟熙中賀昔者周歌思齊基命于文王之母漢頌長樂傳序在
高皇之孫微坤不成非且不耀共惟陛下新陟元后奄甸康
邦俛仰孳孳寤寐翼翼謂嘉珍御大年享未足盡於孝心惟顯
號建尊名施迺克符於公議詎龜協吉鑊玉推崇揭丕式以範
民疾順風之偃草臣承乏節傳弗遑觀國之光訂美詩書彙劇
贊皇之德

賀 皇太后受冊表

趙汝談

穆上靈辰肇膺顯冊黃圖嗣慶瑤牒增輝中賀伏以元氣之母

為太冲三才所宗曰太極蓋皇者辭之所謂大而太者德之茂
以加非莫隆焉疇克稱此共惟陛下輔佐先帝保乂王家昔
主體在中已有求賢審官之志今御簾于外復當託孤寄命之
權宜考典章之存式崇位號之冠兩宮慈孝四表驩寧臣又使
部封述瞻禁闈不獲備牛馬之走徒深懷葵藿之傾

皇太后垂簾賀表

趙汝談

嗣君踐阼式迓於今休母后垂簾率循於故典社稷有寄山川
聿寧中賀恭惟本朝之隆最得外戚之助明肅之撫育
仁祖光獻之擁佑英皇元祐有以彼故老之功建中有復
子明辟之燬顯仁撥亂而反正慈烈轉危而獲安俾為閔規
者在信史共惟陛下自更大化即贊發謨海內誦其徽音宮

中號其聖德比導馭於末命果出總於萬幾於乎艱哉克守常
憲亦既勤止惟懷永圖必將修崇紀綱培固基本力行善事追
配前人之光躬保令名聿垂後代之則教告四達觀瞻一新臣
歷官四朝濫使諸道身雖老無所為報國有慶未嘗不怡敢陳
芻言切効片獻

誕皇子

羣書要語 誕彌厥月生民 五百年必有王者興其間必有名世
者公孫丑章 或問五百歲而聖人出有諸曰堯舜禹君臣也而
並武王周公父子也而處湯孔子數百年而生因往以推來雖
千一不可知也揚子

古今事實

瑤光貫月

瑤光如蜺貫月正白感女樞於幽房之宮生黑帝顓頊河圖著

履迹而生

燧人之世有大迹出雷澤華胥履之生庖犧氏於成紀世紀 帝
嚳元妃姜嫄以春分亥鳥至之日從祀郊禘見大迹履之而生
后稷世紀

虹流華渚

大星如虹下流華渚女節感而生白帝金天氏感應錄

電繞斗樞

神農氏之末少典氏娶附寶見火電光繞北斗樞星昭郊感附
寶孕二十月生黃帝於壽丘世紀

十四月生

堯母慶都出觀山河奄然陰風赤龍與慶都合而生堯春秋合

誠圖

堯在孕十四月生累論鈞戈夫人趙婕妤好妊身十四月生

昭帝上曰昔堯十四月生命其門曰堯母門

感樞星生

舜母感樞星之精而生舜尚書帝命驗握登見虹意感而生舜

詩合神霧

流星貫鼎

脩己山行見流星貫鼎意感懷然曾與而生禹集事

吞乙而孕

帝嘗少妃有娥氏女簡狄以春分玄鳥至之日祀于高禘有玄
鳥遺卵簡狄吞之孕生契史

白氣貫月

湯母扶都見白氣貫月意感而生湯詩合神霧

謂能胎教

大任有身目不視惡色耳不聽惡聲口不出放言文王生而明
聖君子謂能胎教詩疏

洩于豕牢

大任洩于豕牢而生文王國語

夢與神遇

事文類聚前集

卷之九

十五

高祖母媪嘗息大澤之陂夢與神遇時雷電晦冥父大公往視見蛟龍於上已而有娠遂產高祖

夢日入懷

景帝母王皇后夢日入懷以七月七日生武帝於荷蘭殿武帝故事

赤光照室

光武以建平元年十二月甲子夜生於洛陽縣舍有赤光照室東觀漢記

嘉禾之瑞

光武生時有嘉禾一莖九穗縣境大熟因名東觀漢記慶雲之瑞

唐太宗生於武功之別館時有慶雲見瀰漫數里上屬於天二龍戲於館前之外水中經三日乃去

夢日而娠

太祖母昭憲皇后嘗夢日入懷而娠生之夕光照室中

夢神捧日

太宗母昭憲皇后夢神人捧日寘于懷遂有娠生帝赤光滿室五星聚奎

真宗開寶元年十二月初一日生先是乾德六年五星如連珠聚于奎當魯分從鎮星晨見東方占曰有德受慶大人奄有四方子孫蕃昌從鎮星王者能致天下重福明年真宗生

夢日墜裙

仁宗皇帝母章懿皇后李嘗慶二日在天其一忽墜以福承之自是有娠

夢赤脚仙

章懿李后忽夢一羽衣之士跣足從空而下云來為汝子時上未有嗣聞之大喜云當為汝成之是夕召幸有娠明年誕育昭陵而幼年每穿履屐即亟令脫去常徒步禁中皆呼為赤脚仙人赤脚仙人蓋古之得道李君也

赤光照天

秀州外醫張浩自云少隸軍籍嘗為德清閭官一日晚出郊遇嘉興縣忽觀平廳赤光照天疑為回祿亟入視之乃趙縣丞之室適免娠得雄是誕育 孝宗也 揮塵錄

古今文集

雜著

生皇子賀 皇帝表

王安石

宮闈嗣慶寰海交忻凡逮戴天惟均擊壤中賀臣聞魯斯之言衆子實為王者之詩華封之祝多男亦曰聖人之事恭惟陛下紹祖休顯應天聰明致文武之憂勤成堯舜之仁孝宅師無競克簞之寢既安傳類有祥弓鞬之祠屢應貽謀方永錫羨用光臣託備藩維叨承睿獎不顯奕世家實預於榮懷億萬斯年心敢忘於慶賴

降誕皇子賀 皇帝表

周必大

燕媒享德方儲錫羨之祥熊夢生賢克叶會昌之運預在照臨

之廣敷同慶賴之深中賀伏以思齊神罔時侗假樂民之攸暨
 天所祐祐厥惟大妙之多男國之榮懷亦曰成王之衆子恭惟
 陛下令德光乎洛浦康功茂於岐昌鴻休無疆景命有僕蓋蒙
 首之薄言采采衆樂先成則龜斯之宜爾振振宗強孰禦臣人
 叨眷遇適阻進趨親值本支百世之盛時敢忘壽考萬年之善
 祝

降誕皇子賀 皇帝表

周必大

高煤錫美長嫡挺生 列聖儲休三宮交賀中賀臣聞德如堯
 帝祝多子於封人聖若文王誅百男於詩雅厥今盛事與昔同
 符共惟 陛下纂國丕基受天休命當 藝祖肇邦之歲暨統
 元更曆之春是開蒼震之祥於赫炎圖之永臣屏居農畝遥瞻

闕庭會同四表之歡仰賴一人之慶

生皇孫賀 壽皇表

周必大

有天下而傳之子初微黃屋之心受帝祉而施于孫俶誕青宮
 之胄慶均五殿喜浹萬邦中賀臣聞瓊幹分輝率由於本固銀
 潢演潤益自於源深繫今日之蕃昌乃異時之積累世世路德
 則備有羨之休親親仁民則饗無窮之樂盛哉豐報備此燕居
 共惟 陛下道極際蟠心游坤淡縣本支於百世延壽考於萬
 年仙李盤根笑唐基之沫天猗蘭奕葉掩漢事而有光臣幸值
 邦榮屬分閭寄南宮北內想胥洽於宸歡左城右平悵莫陪於
 班賀

新編古今事文類聚前集卷之二十一
禮部
皇帝登極
潛龍舊地 潛龍舊學
昭哉嗣服 九五飛龍在天
履帝位而不疚 光明也
聖人太寶曰位 何以守位曰仁 何以
踐作臨祭 祀內事曰孝 王其外事曰嗣 王其
聚入曰財 繫辭

新編古今事文類聚前集卷之二十一

建安 祝穆 和父 編

金陵 唐富春 子和 刊

帝系部

皇帝登極

潛龍舊地 潛龍舊學

羣書要語 嗣無疆大歷服 昭哉嗣服 九五飛龍在天

大人造也 乾卦 聖人作而萬物覩 履帝位而不疚 光明也

大人以繼明照四方 離 聖人太寶曰位 何以守位曰仁 何以

聚入曰財 繫辭 踐作臨祭 祀內事曰孝 王其外事曰嗣 王其

禮

潛龍舊地接開白水列宅舊鄴范雲遜表河南帝城多近唐

紀西京多豐沛故人東都亦南陽多顯陳書宗室贊

潛龍舊學翊弦誦於春宮唐大詔令

潛龍故人翼龍而飛既濡其雨露刑馬而誓言表於山河唐李

丕制

古今事實

御王冊命

乙丑成王崩大保命神相南宮毛俟齊侯呂俊以二千戈虎
賁百迎子釗于南門之外延入翼室恤宅宗丁郊命作冊度王
麻冕輔裳由賓階躋太保承介主上宗奉同瑁由祚階躋太史
秉書由賓階躋御王冊命曰皇后憑玉几道揚末命命汝嗣訓

臨君周邦率循太卜燮和天下用答揚文武之光訓王再拜興
答曰眇眇予末小子其能而亂四方以敬息天威

三遜再遜

高祖崩大臣使人迎代王代王報太后許猶豫未定上之兆得
大橫占曰大橫庚庚余為天王夏啓以光代王乃遣太后弟薄
昭見勃勃等具言所以迎立王者昭還報曰無可疑者代王乃
令宋昌驂乘至渭橋群臣拜謁稱臣代王下拜勃乃跪上天子
璽代王謝曰至邸而議之群臣從上議代王曰奉高帝宗廟重
事也寡人不足以稱群臣固請代王西鄉議者三南鄉議者再
丞相平等皆曰臣等為宗廟社稷計不敢忽願大王幸聽遂即
天子位

魂魄思沛

以下係潛龍舊地

漢高過沛作歌慷慨傷懷曰遊子思故鄉吾萬歲後魂魄猶樂沛也其以沛為湯沐邑復其民世世無所與

豐有粉社

漢豐邑有粉社章和元年幸梁遣使祠沛高原廟注粉白榆也

雞犬識豐

漢高祖以大上思豐沛故作入新豐道路如豐沛人家雞犬放之皆識家

芒碭雲氣

高祖隱芒碭山澤所居上常有雲氣求常得之

常遊鄆社

漢宣帝為皇曾孫喜游俠鬪雞走馬數上下諸陵周徧三輔嘗因蓮芍鹵中尤樂鄆社之間率常在社下

望氣鬱鬱

光武紀初謁者蘇伯阿望春陵氣鬱鬱蔥蔥

復一年租

魏文詔潁川先帝所由起兵征伐也官渡之役四方瓦解遠近顧望而此郡守議丁壯荷戈老弱負糧復潁川郡一年田租

龍潛舊宅

唐興聖寺高祖龍潛舊宅也武德元年以為通義宮六年高祖臨幸大宴群臣引見鄰里敬頒賜有差正觀元年立為高宗寢室

臨幸故鄉

唐正觀十五年并州僧道老人等抗表以太原王業所因明年登封已後願時臨幸上賜宴從容謂曰飛鳥過故鄉猶躑躅徘徊况朕於太原起義兵遂定天下復小遊觀誠所不忘公禮若畢或冀與公等相見

飛龍之瑞

初上在潛邸與宋王等同居于興慶里時人號曰五王子宅本名隆慶坊及景龍末宅內有龍池涌出雲氣者云有天子之氣中宗數幸其地命泛舟仍馳象踏氣以厭之竟為飛龍之地因是地立興慶宮元宗開元十年幸潞州改舊宅為飛龍院

建寺錫名

西京應天寺本後唐夾馬營大中祥符二年以太祖誕聖之地建寺錫名○東京啓聖院本晉護聖營以太宗誕聖之地太平興國六年建寺錫名

帝王之師

以于潛龍舊學

黃帝師風后顓頊師老彭帝嚳師祝融堯師務成昭舜師紀后禹師墨如湯師伊尹文武師姜尚周公師庶秀孔子師老聃此十一君皆聖人也猶待學問王符潛夫論或云黃帝師力牧顓頊師樛圖帝嚳師赤松子

三聖舊學

堯學於君疇舜學於務成昭禹學於西王國荀子

高宗舊學

高宗曰予小舊學于其盤說命

東宮舊僚

張說始為元宗東宮侍講三秉大政左右王化封泰山祀睢上
謂五陵開集賢修太宗之政皆說為首

從鄉校學

太祖初受學于鄉先生辛文悅每歸令群兒前導入往往避之

豐沛故人

以下係潛龍故人

沛公初起相工入豐沛之市云多封侯之人意林論衡

同居豐邑

盧綰與高祖同居豐邑

徵時博奕

陳遵禮父遂字長子宣帝徵時與有故相隨博奕數負及宣帝
即位遂為大原太守乃賜璽書曰太守官尊祿厚可以償博矣
客侵帝坐

嚴光少與光武同遊學及光武即位以物色訪之引入論道舊
故因共偃卧光以足加帝腹上明日太史奏客星犯御坐

嘗同研席

劉弘字和季少家南陽與光武同居永安里又同年共研席

嘗給資用

光武初學長安往來南陽資用乏與同舍生韓子入錢買驢令
從儼以給諸公之費

嘗留講論

光武學長安時過朱祐留上待講竟夕談話及帝登位幸祐第
問曰得無忘我講乎祐曰不敢

同居白水

吳漢與光武同居白水鄉

思報一飯

馮異自長安入朝帝謂公卿曰是我起兵時主簿也為吾拔荆
棘定關中賜珍寶錢帛曰無萁亭豆粥滹沱河麥飯久不報

為置守家

張安世兄賀為掖庭令收養宣帝後為賀置守家二十家

久同軍旅

魏太祖表郭嘉曰昔在軍旅十有餘年行同騎乘坐同帷席

微時戲言

始梁高祖遇任昉于竟陵王西邸從容曰我登三府當以卿為
記室昉亦戲高祖曰我登三事當以卿為騎兵以高祖善射也
後齊以梁高祖為大司馬錄尚書事以昉為司馬下記室

白首相見

薛振字元超收之子高宗謂元超曰我昔在春宮與卿俱少壯
倏忽已三十年與卿白首相見歷觀書傳共白首者幾人行狀
能識居潛

祖宗居潛與趙韓王遊長安時陳搏乘一騾遇之下騾太笑巾
簪幾墜左手握太祖右手挽太宗曰可相從市飲乎祖
宗曰與趙學究三人金游可同之陳眈眈韓王甚久徐曰也得

也得非渠不可與此帝既入酒舍韓王脚踏偶坐席右陳怒曰紫微帝埴一小星輒據上次可乎斥之使居帝左湘山野錄

古今文集

雜著

順宗即位冊文

維貞元二十一年歲次乙酉正月辛未朔二十三日癸巳皇帝若曰於戲天下之大實為重器祖宗之業允屬元良咨爾皇太子誦睿哲溫恭寬仁慈惠文武之道秉有生知孝友之誠發於天性自膺上嗣毓德春闈恪謹于厥躬祇勤于大訓必能誕敷至化安勸庶邦朕寢疾彌留弗與弗寤是用命爾繼統俾紹前烈宜陟元后永綏兆人其令中書侍郎平章事高郢奉冊即皇

帝位爾惟奉若天道以康四海建皇極以熙庶功無未我高祖太宗之休命

登極賀皇帝表

趙汝談

入纂聖緒曾不崇朝出膺瑤圖遂奠衆志實惟天授篤匪人謀中賀伏以先皇帝以皇極子萬民以至公家六合儲號未正寢疾彌留遺命大臣致位明辟恭惟陛下溫恭而履度寬裕而養冲繇文子孫嗣大歷服如玉韞石虹氣隱乎山川及雲升天龍澤沛乎宇宙神祇悅豫內外攸寧夫勃興者非常之元難報者罔極之德昔代王迎至漢邸跪以璽符而遜辭曾孫詔養掖庭乘之軫獵而祇懼飭躬行化虛已禮賢率能功光祖宗澤浹黎庶見號七制追蹤三王肆示阜陵迪我高廟因心則友

不問乎兄弟之情，遵道而行，相輝乎父子之懿，掩前猷而絕出，
尤近事之可師，願留聖恩，以幸天下。臣忝國疏屬，荷朝厚恩，
雖將指而馳，弗獲旅應門之右，然傾心東向，猶及賓賜，谷之初
忻戴之私，倍百倫品。

登極賀 皇太后牋

趙汝談

乾旋坤轉，太策定于禁中，山高日昇，重明照乎天下，萬邦改觀，
百辟承風，中賀恭惟，殿下德為聖人，功配冲子，再拜壓紐，陰
獨察其休祥，五色補天，眾莫窺其妙用，決幾於眇綿之頃，運化
於塊土之間，神器不擇景命，有僕臣叨官舊服，幸際新朝，制房
闈而晏然，已仰政權之重戴，旌旗而祇見方觀，孝治之隆，
雜著係潛龍故人

元宗明姜皎詔

姜皎精微用心，寬厚朕往居藩邸，潛款風雲，亦猶彭祖之同書，
子陵之共學，朕嘗遊奕於外，至長揚鄠社之間，皎於此時與之
累宿，私謂朕曰：太上皇必登九五，王必為儲副，凡如此者，數四
朕叱而後止，寧知非僕，雖玩於鄧晨，可收護軍，遂訶於朱祐，太
上皇聞之，遽奏於中宗，孝和皇帝尋遣號王邕等，鞠皎保護，無
怠詞意，轉堅李通之讖記，不言田叔之髡鉗，罔憚仍為宗楚客
紀處訥等密奏，請投皎，炎荒中宗特降恩私，左遷潤州長史，讒
邪每構，忠懇愈深，戴于朕躬，祇膺寶位，又共剪奸臣，拜以光寵，
不忌搗搥，補朕之闕，斯人孔臧，而悠悠之談，嗷嗷共作，醜正惡
直，竊生於謗，考言詢事，益亮其誠，昔昭帝之保霍光，魏太祖之

明程昱朕之不德庶幾乎此

聖壽

羣書要語

五福一曰壽

洪範

萬壽無疆

七月

君子萬年介爾景

福既醉

如南山之壽

天保

故大德必得其位必得其祿必得其

名必得其壽

中庸

天錫皇帝與天齊壽

韓文

上古有大椿以八

千歲為春

八千歲為秋

逍遙篇

王母出桃五枚與武帝曰此桃

三千年結子

漢武故事

古今事實

古帝壽數

黃帝百十歲少昊百歲顓帝九十八歲帝嚳百歲堯帝百十八

歲帝舜禹湯皆百歲文王九十七歲武王九十三歲

韓愈佛帽

華封三祝

華封人請祝聖人壽堯曰辭使聖人富堯曰辭使聖人多男子堯曰辭封人曰壽富多男子汝獨不欲何也堯曰多男子則多懼富則多事壽則多辱是二者非所以養德也故辭

莊天地

慶與九齡

文王謂武王曰汝何夢矣對曰夢帝與我九齡文王曰古者謂年齡也我百爾九十吾與爾三焉

天子萬壽

江漢召穆公美宣王虎拜稽首天子萬年又云作召公考天子萬

事文類彙編

卷之二十一

九

壽

昌熾壽艾

闕宮頌魯僖公曰三壽作朋如岡如陵又俾爾昌而熾俾爾壽而富黃髮公眉壽眉與試俾爾昌而大俾爾耆而艾萬有千歲眉壽無有害

稱壽寓規

昔齊威公與管仲鮑叔牙甯戚四人飲威公請叔牙曰盍起為寡人壽叔牙奉觴而起曰願公無忘在宮時使管仲無忘於東縛於魯時使甯戚無忘於飯牛車下時

未央為壽

凌煙為壽並見上皇門

高呼萬歲

武帝詔朕親登崇高御史乘屬在廟旁更卒咸聞呼萬歲者三

奉觴上壽

武帝東封泰山還登明堂見寬上壽曰癸亥宗祀日宣重光上元甲子肅邕永享見象日昭報降符應臣寬奉觴再拜上千萬歲壽制曰敬舉君之觴

立千秋節

明皇以降誕日燕百僚於花萼樓下百僚表請每年八月五日為千秋節改千秋節為天長節百僚上壽王公以下獻鏡及承露囊唯張九齡獻千秋金鏡錄五卷言自古興廢之道元宗賞異之

不立為節

明皇及肅宗以後皆以生日為節德宗不立節止於群臣稱觴上壽而已

古今文集

雜著

天申節賀表

周必大

天生民而立之君茂啓中興之運臣歸美以報其上共欣載夙之期中賀恭惟陛下配德乾坤合明日月御赫赫炎炎之祚成巍巍蕩蕩之功當樞寬之呈祥舉華夷而賴慶嚴恭寅畏而自度已迪哲於四人虛靜恬淡而無為方成純於萬歲臣猥司外闈阻造近班使壽使富而多男願上堯封之祝宜民宜入而

受祿載慶周雅之章

端慶節賀表

趙汝談

社鼓斗樞赫聖朝之誕節川珍歲貢湊良月以畢來惟君萬邦受天百祿中賀恭惟陛下疑旒思道畢服圖功恢大德以保民而遠人爭致順附畢小心於事帝而否數轉為嘉祥率土謳歌望雲祈戴頭躡九皇之軌歲稱萬壽之觴臣屬它外司阻班庭賀獻書金鏡老非翰墨之才通表銀臺遠有韶鈞之夢

誕節受賀

唐穆宗即位之初詔曰七月六日是朕載誕之辰其日百寮命婦宜於光順門進名參賀朕於門內與百寮相見明日又勅受賀儀宜停先是左丞常綬奏行之宰臣以古無降誕受賀之禮

聖文類聚前集 卷之二十一
奏罷之然次年復行賀禮誕節之制起於明皇令天下宴集休
假二日肅宗亦然代德順三宗皆不置節名及文宗以後始置
宴如初則受賀一事蓋自長慶年至今用之也 容齋隨筆

律詩

千秋節有感

杜甫

自罷千秋節頻傷八月來先朝常宴會壯觀已塵埃鳳紀編生
日龍池塹劫灰衢尊不重飲白首獨餘哀

又

御氣雲樓敞含風彩仗高仙人張內樂王母獻宮桃羅襪紅渠
艷金羈白雪毛新街街壽酒走索背秋毫

壽寧節

王元之

待漏齊趨聖節筵雲開金闕上青天平明引入長生殿共祝堯
雲百歲年

又

數聲飛電響鳴鞘香裊金爐映赭袍王母親承玉皇詔年年今
日進蟠桃

又

簾前可愛三冬日塔下新抽七葉蓂昨夜靈臺因預奏綠雲高
捧老人星

又

益筭真君南斗高還因聖節奏天曹扶桑枯盡靈椿老始放堯
眉出畫眉毫

宮詞

太皇生日最尊榮。獻壽宮中未五更。天子奉觴仍再拜。寶慈太后宮名侍立到天明。

皇后

羣書要語天子之配謂之后。后者君也。白虎通天子后立六宮

三夫人九嬪二十七世婦八十一御妻。周禮按夏殷以前后妃

之制其文略矣。大率稱妃。周則天子立后。正嫡曰王后。秦稱皇

帝。正嫡曰皇后。漢因之。初學記聽天下之內治以明章婦道。故

天下內和而家理。婦順不脩。陰事不得。譏見於天。月為之食。則

后素服而脩六宮之職。蕩天下之陰事。禮記內宰治王內之政

今以陰禮教六宮。以陰禮教九嬪。以婦職之法教九御。周禮關

雎后妃之德也。風之始也。所以風天下而正夫婦也。周南召南

正始之道。王化之基。是以關雎樂得淑女。以配君子。憂在進賢

不淫其色。哀窈窕。思賢才。而無傷善之心。焉是關雎之義也。大

序躬儉節用。服澣濯之衣。葛覃又當輔佐君子。求賢審官。知臣

下之勤勞。內有進賢之志。而無險陂私謁之心。朝夕思念。至于

憂勤也。卷耳言若螽斯。不妬忌。則子孫衆多也。螽斯和平則婦

人樂有子矣。采芣靜女其姝。貽我彤管。彤管有熋。說懌女美。注

古者后夫人必有史彤管之法。史不記過。其罪殺之后。妃群妾

以禮御於君。所女史書其日月。授之以環。以進退之生子。月辰

則以金環退之。當御者以銀環進之。著于左手。既御著于右手。

事無大小記以成法詩故陳賢妃正女夙夜警戒相成之道焉
雞鳴皇后稱椒房取其實蔓延盈升以椒塗室取溫暖除惡氣
也猶天子朱泥殿上曰丹墀漢官儀天子親耕以共粢盛王后
親蚕以共祭服穀梁傳男正位乎外女正位乎內一正家而天
下定矣家人卦壺政穆宣房昭理坤則順成星軒潤毓注儀
禮有房中樂后夫人諷誦以事君子星軒軒轅星也顏延之宋
文后哀冊有司奏立長秋官馬后傳以皇后為長秋者秋陰之
始取其長而欲其久也宋百官志漢魏故事皇后六駟馬初學
記

古今事實

嬪于虞

有鰥在下曰虞舜帝曰我其試哉女子時觀厥刑于二女黿降
二女于瀉泚嬪于虞

曰嬪于京

摯仲氏任自彼殷商來嫁于周曰嬪于京乃及王季維德之行

天作之合

文主初載天作之合在合之陽在渭之涘文主嘉止大邦有子
大邦有子見天之妹文定厥祥親迎于渭造舟為梁不顯其光
有命自天命此文主于周于京續女維辛長子維行篤生武王
保佑命爾燮伐大商

晏起待罪

周宣王夜卧而晏起晏起姜后既出乃脫簪珥待罪使其傅毋通言

於宣王曰姜之淫心見矣至使君王失禮而晏起亂之興從婢
子起敢請罪王曰寡人不德寔自生過非夫人之罪也遂復姜
后而勤於政事早朝晏退卒成中興之名國語

四殆諫王

鍾離春者齊無鹽邑之女也為人極醜自請宣王願乞一見宣
王召見之乃舉手拊膝曰殆哉殆哉宣王曰願聞命對曰今西
有橫秦之患南有強楚之讎春秋四十壯勇不立一殆也漸臺
五層萬民疲困二殆也賢者伏匿山林諛諛強於左右三殆也
酒漿流酒以夜繼日女樂俳優縱橫大笑四殆也宣王喟然而
嘆拜無鹽女以為王后列女傳

諫用諛佞

齊威王即位其佞臣周破胡專權擅勢嫉賢如能虜姬謂王曰
破胡諛佞不可不退王乃封即墨大夫以萬家烹訶大夫與周
破胡齊國大治列女傳

夢龍貴徵

漢虜魏王豹薄姬輸織室漢王詔納後宮歲餘召幸之對曰昨
夢龍據妾背上曰是貴徵也吾為汝成之遂幸生文帝

拳手即伸

鈞弋夫人趙婕妤家在河間武帝巡狩過之望氣者言此有奇
女天子亟使使召至女兩手皆拳上自披之手即時伸由此得
幸號拳夫人居鈞弋宮遂生昭帝

捫天吉兆

和熹鄧皇后和帝后也。大傅禹之孫嘗夢捫天蕩蕩正言若有鍾乳狀乃仰漱飲之以訊諸占夢言堯夢攀天而上湯夢及天而喏之斯皆聖王之別占吉不可言。

沙麓之祥

春秋沙麓崩注陰盛而崩元城建公曰沙麓崩六百四十五年宜有聖女興漢王賀字翁孺正值其地日月當之賀生禁生元后元后母李妊政君夢月入懷政君元后小字也元后母天下自元成哀平四帝至王莽楊雄作表大陰之精沙麓之靈作合於漢配元生成元后傳

金屋貯婦

武帝為膠東王年數歲長公主抱問曰兒欲得婦不曰欲得指

女阿嬌好不笑曰若得阿嬌當作金屋貯之漢武故事

毒殺許后

宣帝始立微時許妃為皇后光夫人顯愛小女成君欲貴之私使乳醫淳于衍行毒藥殺許后因勸光納成君為皇后光薨後語稱也於是上始聞之禹山雲日見侵削數相對涕泣自怨於是始有邪謀會事發覺雲山同日自殺禹要斬顯及諸女昆弟皆棄市獨霍后廢處昭臺宮與霍氏相連坐誅滅者數千家

娶陰麗華

漢光武陰皇后南陽人名麗華初光武聞后美心悅之後至長安見執金吾車騎甚盛因歎曰仕官當作執金吾娶妻當得陰麗華即位立為后本紀

相得其人

晉簡文帝無子，令善相者以詣愛妾，示之皆云：非其人。時李后為宮人在織坊中，形長而色黑，皆謂之崑崙。既至，相者皆曰：此其人也。帝乃身之侍寢，后數夢兩龍枕，日月光入懷，帝聞而異焉。遂生孝武帝。

一夜生齒

晉成帝杜皇后，預之魯孫成帝，拜為皇后。少有姿色，長猶無齒。有求婚者，輒中止。及帝納采之日，一夜齒盡生。

素素不祥，見國哀門。

賢女必學

甄后九歲喜書，視字輒識，數用。諸兄筆研，兄謂后曰：汝當習女

工用書為學，作博士。耶后言：古賢女未有不學，前世成敗以為已誠，不知書何由見之。魏志

玉衣覆棺

魏后幼時，每寢寐家中，髣髴見如有人持玉衣覆其上者，常共恠之。魏志

著書垂範

唐太宗長孫皇后，少好讀書，止位中宮，務崇節儉。上嘗與之議賞罰，后辭曰：牝雞之晨，惟家之索。妾婦人安敢豫聞政？后嘗采自古婦人得失事，著為女則三十卷，及崩，宮司奏聞，上覽之悲慟，以示群臣曰：皇后此書足以垂範百世，朕非不知天命而為此無益之悲，但入宮不復聞規諫之言，失一良佐，故不能忘懷。

陛下家事
高宗欲立武昭儀為皇后畏大臣異議未決召勳等計之勳稱疾不至帝後密訪勳答曰此陛下家事無須問外人帝意遂定而王皇后廢詔勳與于志寧奉冊立武氏

私謁撓權

肅宗立皇后張氏稍與政事與李輔國相助多以私謁撓權帝不制遷太上皇居西內皆張皇后謀也寶應元年張后惡李輔國欲圖之程元振得其謀以告輔國乃幽后於別殿是夕肅宗崩

女相甚貴

章獻明肅太后成都華陽人少隨父下峽至玉泉寺有長老善相入謂其父曰君貴人也及見后大驚曰君之貴以此女也蓋進京師乎贈以金百兩至京師真宗判南京因張耆納后宮中帝即位為才人進宸妃正位宮闈聲滿天下仁宗即位以太皇后垂簾聽政時玉泉長老已居長蘆矣聞見錄

古今文集

雜著

后妃傳序

宋子京

唐制皇后而下有貴妃淑妃德妃賢妃是為夫人昭容昭儀昭媛脩容脩儀媛脩充儀充容充媛是為九嬪婕妤美人才人各九合二十七是代世婦寶林御女采女各二十七合八十一是代

御妻自餘六尚分典乘輿服御皆有負次後世改復不常開元
時以后下復有四妃非是乃置惠麗華三妃六儀四美人七才
人而尚宮尚儀尚服各三參合前號大抵踵周官相損益云然
則尚矣禮本夫婦詩始后妃治亂因之興亡繫焉盛德之君惟
薄嚴與裏謁不行於朝外言不納諸閹關睚之風行彤史之化
脩故淑範懿行更爲內助若夫艷妻之與常在中主策禍既交
則情與愛遷顏詞媚孰則事爲私奪乘易昏之明牽不斷之柔
險言似忠故受而不詰醜行已効反狃而爲好左右附之儉壬
甚之狡謀錡其悟先哀誓鍵於寵初天下之事已去而恬不自
覺此武帝所以遂篡弒而喪王室也至於楊氏未死玄亂厥謀
張后制中肅幾歛衽吁可嘆哉中葉以降時多故矣外有攻討

之勤內慕嫵溺之私群閹朋進外戚勢分后妃無大善惡取之
職而已

冊皇后文

王安石

維熙寧二年歲次己酉四月丁酉朔二十六日壬戌 皇帝若
曰自昔有天下必擇建厥配以承宗廟以御家邦肆朕受命奉
循前烈考慎冊典以祈協于神民咨爾向氏懿素淑恭舊有顯
聞肇功維祖弼亮帝室流德之澤單延後嗣是產碩媛此賢姜
任越朕初載來嬪潘邸盥饋在中率禮無違以至嗣服祗承內
事齊明夙夜罔有曠失宜崇位號表正宮庭今遣攝太尉推忠
協謀同德佐理功臣樞密使光祿大夫檢校太傅行尚書刑部
侍郎上柱國東平郡開國公食邑二千一百戶賜紫金魚袋王

珪持節冊命爾為皇后夫惟興邦釐厥士女咸自內始達于四海朕克勤人用弗怠朕克儉人用弗奢朕克正人用無敢側頗僻爾勤相朕乃濟登茲於戲匪初惟艱惟慎厥終王忱念茲朕以求饗天祿爾亦豫有無疆之福豈不臚哉

賀無皇后表

周必大

稷盛之禮發於官闈驩康之聲播於寰海中賀共惟

陛下放古之憲刑家以身乃資婦德之良俾貳坤儀之政蓋關睢之求淑女以無險陂私謁之心雞鳴之得賢妃則有徹戒相成之道於以求助不專為恩臣生逢明時切觀盛事祝聖人之多子輒慕堯封思令德以式歌豈慙周雅

新編古今事文類聚前集卷之二十一終

新編古今事文類聚前集卷之二十一

建安 祝穆 和父 編

金陵 唐富春 子和 刊

帝系部

宮嬪 又見美女官粧部

羣書要語六宮鄭注前一宮後一宮也五者后一宮三夫人一宮九嬪一宮二十七世婦一宮八十一御妻一宮凡百三十人周禮以陰禮教六宮以陰禮教九嬪以婦職之法教九御內漢因秦制正嫡曰皇后其餘內職有夫人美人良人八子七子長使少使之號武帝加婕妤姁娥容華克衣元帝加昭儀又有五宮

順常無消共和娛靈寶林良使夜者之小職漢外戚傳光武中興並省前制正嫡之外唯立貴人美人綵女之號范曄後魏書武帝因西漢置夫人昭儀婕妤容華美人文帝增貴嬪取媛修容順成良人明帝增淑妃昭華修儀魏志女無美惡入宮見妬鄒陽書將聽鷄鳴之詩豈限魚貫之序元積制

詩句拊心却笑西子顰掩鼻誰憂鄭姬謗長孫重遠豈能慙沼鵠棄前方見泣前魚前人

古今事實

能諫好獵

楚莊王夫人樊姬王好獵姬數諫不止乃不食禽獸之肉二年王感之而勤政事列女傳

號如夫人

齊桓公多內寵有如夫人者六人左傳

不妄登車

齊孝公孟姬華氏之女從孝公遊車奔姬墮車碎孝公使駟馬立車載姬姬泣曰妾聞妃下堂必從傳毋保阿進退則鳴玉佩環今立車無駟非敢受命列女傳

能以死諫

越姬楚昭王之姬越王勾踐女也昭王讌遊越姬從謂姬曰樂乎對曰樂則樂矣而不可久也王曰願與子生死若此姬曰君之樂遊要妾以死不敢聞命後王病有赤雲夾日如飛鳥王問周太史太史曰是害王身請移於將相王曰將相於孤猶股肱

也不聽。姬曰：大哉君之德，妾請從王死矣。妾聞信者，不負其心，遂自殺。列女傳

釣弃前魚

魏王與龍陽君共船而釣，得十餘魚而弃之。泣下曰：臣始得魚，甚喜，後得益多而大，欲弃前所得也。今臣得拂枕席，爵至人君，四海之內，美人其多，聞臣得幸，畢褰裳而趨，臣亦同所得魚將弃矣，得無涕乎？王乃令曰：敢言美人者族。

掩鼻進讒

魏王遺楚美人，王悅之。夫人鄭哀知王之悅之也，愛之甚於王。王曰：婦人所以事天者，色也。而妬者，其情也。今鄭哀知寡人之所悅，其愛甚於寡人，此孝子所以事親，忠臣所以事君也。鄭哀

既知王以為不妬，因謂美人曰：王愛子甚矣，然惡子之鼻子，見王必掩其鼻，美人從之。王謂鄭哀曰：美人見寡人必掩其鼻，何也？對曰：似惡聞王之臭。王曰：悍哉！令剗之。

進西施女

勾踐索美女獻吳王，得諸暨賣新女，且先習禮於土城土山邊，有石是西施浣紗石。

臨終固寵

漢武帝李夫人本以倡進，兄延年生知音，善歌舞，每為新聲，延年侍上起舞，歌曰：北方有佳人，絕世而獨立。一顧傾人城，再顧傾人國。寧不知傾城國佳人，不再得。帝太息曰：善哉！世豈有此人乎？平陽主因言：延年有女弟，上乃召見之。實妙麗，善舞，由是

事類彙編前集 卷之二十一
幸生一男是為昌邑哀王初夫人病篤上臨候之夫人謝不可見願以王及兄弟為託姊妹讓之夫人曰我以容貌得幸今見我毀壞必畏惡弃我尚肯追思閔錄其兄弟哉夫人卒上憐憫之畫其形於甘泉宮上念李夫人不已方士齊人少翁言能致其神乃夜張灯燭設帷帳陳酒肉而令上居他帳遙望見好女如李夫人之貌還幄坐而步又不得就視上愈益相思悲感為作詩曰是耶非耶立而望之何姍姍其來遲令樂府諸音家絃歌之

畫王昭君

王嬙字昭君王穰女漢元帝時匈奴入朝詔以昭君配之號寧胡關氏一說元帝後宮人既多不得常見乃使畫工圖其形按

圖召幸宮人皆賂畫工多者十萬金少者不減五萬金昭君自恃其貌獨不與及匈奴入朝選宮人配之昭君以圖當行入辭光彩射入竦動左右天子重信外國悔恨不及窮察其事有畫工毛延壽為人形老少必得其真安陵陳敞新豐劉白醜覽並工狗馬衆勢人形不逮延壽杜陵楊望樊青尤工布色皆同白弃市籍其資財漢人怜昭君遠嫁為作歌詩後昭君服毒死舉國葬之胡中胡地白草而此草獨青故曰青塚

馬媛當熊 見熊門

老溫柔鄉

馮萬金善歌世事江都王王孫女嫁江都中尉趙曼萬金又事曼因與主通曼有疾不能近婦人主有身恐乃稱疾居王宮一

產一女歸之萬金長曰宜主次曰合德遂冒姓趙氏宜主聰悞善行氣術長而纖細舉止翩然謂之飛燕合德膚滑出浴不濡善歌知音皆絕色也樊嫔進言合德容貌帝召入宮合德新浴膏九迴沉水香為卷髮號新興髻為薄眉號遠山黛施小朱號慵來粧左右嘖嘖嗟賞帝謂合德為溫柔鄉曰吾老是鄉矣不能効武帝求白雲鄉也宣帝時披香博士倬方成白髮教授官中號淖夫人在帝後唾曰此禍水也滅火必矣

飛燕躑躅

成帝微行過河陽王家悅歌舞者趙飛燕召入宮大幸有女弟後召入俱為婕妤欲立飛燕為皇后陳太夫劉輔上言里語曰腐木不可以為柱人婢不可以為主書奏收繫獄後論為鬼薪

成帝步太液池起瀛洲榭后歌歸風送遠之曲以文犀著擊玉甌酒酣風起后楊袖曰仙乎仙乎去故而新帝令左右持其裾久之風止裾為之皺后曰帝思我使仙去不得他日宮妹或襲裾而皺號留仙裾外傳

不肯同輦

成帝初即位班婕妤選入後宮成帝遊後庭嘗欲與婕妤同輦載婕妤辭曰觀古圖畫賢聖之君皆有名臣在側三代昏主乃有嬖妾今欲同輦得無近似乎上善其言而止

絳紗繫臂

晉武胡貴嬪名芳鎮軍胡奮女也帝多簡良家子以充內職自擇美者以絳紗繫臂芳既入選下殿號泣左右止之曰陛下聞

聲芳曰死且不畏何畏陛下帝每有顧問不飾言辭率爾而答
進退方雅始有專房之寵帝嘗與樗蒲爭失遂傷上指帝怒曰
此固將種也芳曰北伐公孫西距諸葛非將種而何帝慙

官中羊車

晉武帝多內寵平吳之後復納孫皓宮人數千自此掖庭殆將
萬人而並寵者甚眾帝莫知其所適常乘羊車恣其所之至便
寢宮人乃取竹葉插戶以鹽汁洒地而引帝車

選女尚書

魏明帝耽于內寵婦官秩名擬百官之數自貴人以下至掖庭
洒掃者凡數千人選女子知書可付信者六人以爲女尚書使
典外奏事處當畫可

最寵四人

魏文帝宮人有最所寵者曰莫瓊樹薛夜來請尚衣收巧笑四
人日夕在側瓊樹乃製蠟髮縹緲如蠅翼巧笑以妬錦絲作紫
粉拂面尚衣能歌舞夜來善爲衣裳一時冠絕古今注

聞鍾早粧

齊武帝以內深隱不聞端門鼓漏聲置鍾于景陽樓上應五鼓
及三鼓宮人聞鍾聲早起妝飾

半面妝

南史徐妃以元帝眇一目每知帝將至必爲半面妝

女作門楣

楊貴妃寵幸時謠曰男不封侯女作妃君看女却作門楣外傳

事類類聚前集卷之二十一

姊妹皆貴

楊妃小字玉環明皇幸溫泉楊妃諸姊妹皆貴從去遂鈿墮鉤籍籍道旁大姊封韓國夫人三姊封秦國夫人八姊封虢國夫人

女色召亂

玄宗自天寶後內嬖楊貴妃傾動天下及祿山叛帝幸蜀至馬嵬陳玄禮等以天下計誅國忠死兵不得解帝使力士問故答曰禍本尚在帝不得已與貴妃訣引去縊祠下又見鞞門

古今文集

雜著

設毛延壽自解

程晏 英華

帝見王嬙美召毛延壽畫之曰君欺我之甚也延壽曰臣以為宮中羨者可以亂人之國臣欲宮中之羨者遷於胡庭是臣使亂國之物不逞於漢而移於胡也昔閔天獻美女於紂而免西伯齊遺女樂於魯而孔子行秦遺女樂於戎而間由余是豈日選其惡者遺之羨者留之耶陛下以為羨者是能亂陛下之德也臣欲去之將靜我而亂彼陛下不以為羨者是不能亂我之德安能亂彼謀哉臣聞太上無亂其次去亂其次遷亂今國家不能無亂陛下不能去亂臣為陛下遷亂耳惡可以為羨為彼得乎帝不能省君子曰良畫工也孰誣其貨哉

女史箴

張華

茫茫造化兩儀始分散氣流形既陶既甄在帝有義肇經天人

爰始夫婦以有君臣家道以正而王猷有倫婦德尚柔含章貞
一婉婉淑慎正位居室樊姬感莊不食鮮禽衛女矯桓耳忌和
音志厲義高而一主易心玄熊攀檻馮媛趨進夫豈無畏知死
不送班女有辭割歡同輦夫豈無懷防微慮遠人咸知節其容
豈飾其性性之不飾或行禮正出其言善千里應之苟違斯義
同衾以疑懼不可以漬寵不可以專尊實生履愛極則遷致盈
必損理有固然

跋楊妃病齒圖

黃魯直

禁架之術自古誠有之余觀玉環病良苦豈非坐多食側生遂
動搖其左車乎阿瞞在帝憂戚之心形於顏面亦小窳矣嗚呼
移此心以及天下為如何耶

古詩

妾薄命

李太白

漢帝重阿嬌貯之黃金屋咳唾落九天隨風生珠玉寵極愛還
歇妬深情却疎長門一步地不肯漸迴車雨落不上天水覆最
難收君情與妾意各自東西流昔日芙蓉花今成斷根草以色
事他人能得幾時好

浣紗篇

宋之問

越女顏如花越王聞浣紗因徵不自寵獻作吳王娃山數半藏
匿苧蘿更蒙選一行羈勾踐再笑傾夫差艷色奪入賞効蠶亦
相夸一朝還舊都靚粧尋若耶鳥驚入松網魚畏沉荷花始覺
冶容妾方悟羣心邪杜牧之詩西子下姑蘇一舸逐鷓夷此詩

言復還姑蘇

王昭君歌

劉長卿

自矜妖豔色不顧丹青人那知粉纈能相負却使容華翻誤身
上馬辭君嫁驕虜玉顏對人啼不語北風鴈急浮雲秋萬里獨
見黃河流纒署不復漢宮寵雙蛾長向胡天愁琵琶絃中苦調
多蕭蕭羌笛聲相和誰憐一曲傳樂府能使千秋傷綺羅

明妃曲

歐陽永叔

漢宮有佳人天子初未識一朝隨漢使遠嫁單于國絕色天下
無一失難再得雖能殺畫工於事竟何益耳目所及尚如此萬
里安能制夷狄漢計誠已拙女色難自誇明妃去時淚洒向枝
上花狂風日暮起飄泊落誰家紅顏勝人多薄命莫怨春風當

自嗟

明妃引 十四歲作

邢居實

漢宮有女顏如玉淺畫蛾眉遠山綠披香殿裏夜吹笙未央宮
中朝理曲絳紗蒙籠雙蠟燭簫鼓聲傳春漏促玉輦二更別院
歸夜深月照黃金屋蒼苔滿院無行迹總為君王未相識天上
天仙骨格別人間畫工畫不得嫣然一笑金輿側玉貌三千斂
顏色羅帷繡戶掩香風一朝返嫁單于國金鳳羅衣為誰纓長
袖弓彎不堪舞一別昭陽舊院花淚洒臙脂作紅雨回頭不見
雲間關黃河半渡新水滑馬蹄已踏遼羯塵天邊尚掛長門月
黃沙不似長安道薄暮微雲映衰草胡兒馬上鳴胡笳綠髮紅
顏為君老西風蕭蕭易水寒啼痕不斷幾闌干年年看盡南飛

事文類聚前集

卷之二十一

九

鴈一去天涯竟不還。少年將軍健如虎。日夕撞鐘搥大鼓。寶刀
生澁旌旗卷。漢宮嫁盡嬋娟女。寂寞邊城日將暮。三尺角弓調
白羽。安得猛士霍嫫媸。縛取呼韓作編戶。

李夫人

白居易

漢武帝初喪李夫人。夫人病時不肯別。死後留得生前恩。君恩
不盡念未已。甘泉殿裏令人真。丹青畫出竟何益。不言不笑愁
殺人。又令方士合靈藥。玉釜煎煉金爐焚。九華帳深夜悄悄。反
魂香降夫人魂。夫人之魂在何許。香煙引到焚香處。既來何苦
不須更。縹緲悠揚還滅去。去向速兮來何遲。是耶非耶兩不知。
翠蛾髮髻平生貌。不似昭陽寢疾時。魂之不來君心苦。魂之來
兮君亦悲。背燈隔帳不得語。安用暫來還見違。傷心不獨漢武

帝自古及今皆若斯。君不見穆王三白哭。重壁臺前傷盛姬。又
不見秦陵一掬淚。馬嵬坡下念楊妃。縱令妍姿艷質化為土。此
恨長在無銷期。生亦惑死亦惑。凡物惑人忘不得。人非木石皆
有情。不如不遇傾城色。

冬白紵

元稹

吳宮夜長宮漏歎。簾幙四垂燈焰煖。西施自舞王自管。雪紵翻
翻鶴翎散。促節繁繁舞腰軟。舞腰軟。王罷飲。蓋覆西施鳳花錦。
身作牀臂爲枕。朝珮縱縱王晏寢。醒來閣門報無事。子胥死後
言爲諱。近王之臣諭王意。共笑越王窮惴惴。夜夜抱冰寒不睡。

後庭怨

王諲 英華

君不見紅閨少女端正時。天天桃李仙容姿。幸得君王憐巧笑。

披香殿裏薦蛾眉，蛾眉雙雙人共進。常恐妾身從此擯，甄妃爲
妬，出層宮。班女因猜，下長信。長信宮門閉不開，昭陽歌吹風送
來。夢中魂魄猶言是，覺後精神尚未迴。念君嬌愛無終始，使妾
長帝後庭裏。獨立每看斜日盡，一坐直至孤燈死。秋日聞虫
翠簾，春晴照面鴛鴦水。紅顏舊來花不勝，白髮如今雪相似。傳
聞紈扇思未歇，預想蛾眉上初月。如君貴德不貴真，還同棄妾
逐新人。借問南山松葉意，何如北砌槿花新。

馬嵬行

劉禹錫

綠野扶風道，黃塵馬嵬驛。路邊楊貴人墳，高三四尺，乃問里中
兒，皆言辛蜀時軍家誅仗倖。天子捨妹姬，羣吏伏門屏。貴人牽
帝衣，低徊轉美目。風日爲無輝，貴人飲金臂。倏忽羅英暮，平生

服杏丹，刻色直如故。屬車塵已遠，里巷來窺覷。共愛宿粧妍，君
王畫眉處。履綦無復有，履組光未滅。不見巖畔人，空見凌波襪。
郵童愛踪跡，私手解輦結。傳看千萬眼，縷絕香不歇。指環照骨
明，首飾敵連城。將入咸陽市，猶得賈胡驚。

律詩

宮詞

王建

日高殿裏有香煙，萬歲聲來動九天。妃子院中初降誕，內人爭
覓洗兒錢。

悲老宮人

唐劉得仁

白髮宮娃不解悲，滿頭猶自插花枝。曾緣玉貌君王寵，準擬人
看似舊時。

詩話

賦詩有躰

魏泰之曰唐人詠馬嵬之事尚矣世所稱者劉白劉禹錫云官軍誅佞幸天子捨妖姬白樂天詩曰六軍不發無奈何展轉蛾眉馬前死此乃歌祿山而明皇不得已誅貴妃也豈特不曉文躰蓋亦失事君之躰老杜則不然北征詩曰憶昔狼狽初事與古先別姦臣竟殖醢同惡隨蕩折不聞夏商衰中自誅褒姒乃明皇鑒夏商之時畏天悔禍賜妃子死官軍何預焉坡云杜北征詩識君臣之大体忠義之氣與秋色爭高可貴也

花榮賦詩

費氏蜀之青城山人以才色入蜀宮後主嬖之號花榮夫人劫

王建作百首國二入備後宮太祖聞之召使陳詩誦其國云詩云君王城上豎降旗妾在深宮那得知十四萬人齊解甲寧無一個是男兒蓋蜀兵十四萬而王師纔數萬耳

皇太子

羣書要語主器莫若長子故受之以震序卦震為長子說卦一

有元良萬國以正文王世子天子之元子注儲君副主郊特牲

皇太子乘青蓋車後輿服志前星為太子後星為庶子晉天文

志正體毓德於少陽注育德於東宮東宮少陽也顏延年曲水

詩注春秋之義立嫡以長魏崔瑗書五帝官天下三王家天下

家以傳子官以傳賢故自唐虞以上經傳無太子夏殷之王雖

則傳嗣其文畧矣。至周始見文王世子之制。韓詩外傳王密春宮。韓集貳躰宸極守器宗桃。沈約表

詩句鶴駕通霄鳳輦備鷄鳴問寢龍樓曉杜

古今事實

朝覲謳歌

禹薦益於天七年禹崩益避禹之子於箕山之陰朝覲獄訟者不之益而之啓曰吾君之子也謳歌者不謳歌益而謳歌啓曰吾君之子也

兄弟交遜

伯夷叔齊孤竹君之二子也父欲立叔齊及父卒伯夷讓叔齊伯夷曰父命也遂逃去叔齊亦逃國人立其中子

兄遜其弟

周古公有長子曰太伯次曰虞仲太姜生少子季歷季歷娶太任皆賢婦人生育有聖瑞太伯虞仲知古公欲立季歷以傳昌二人乃云如荆蠻以讓季歷

問安侍膳

文王爲世子朝於王季且三鷄初鳴而衣服至於寢門之外問內侍曰今日安否何如內侍曰安文王乃喜其有不安節則內侍以告文王文王色憂行不能正履王季復膳然後亦復初武王帥而行之不敢有加焉文王有疾武王不脫冠帶而養文王一飯亦一飯文王再飯亦再飯文王世子

正人與游

成王始爲太子也。太公爲師，周公爲傅，召公爲保，伯禽、唐叔與游，目不悅，淫艷耳不聞，優笑居不近庸邪，及爲君也，血氣既定，游習旣成，雖有放心，不能奪已成之性。元稹書

鶴駕

周靈王太子晉，七月七日乘白鶴，駐山巔，謝時人而去。後世稱太子之駕，曰鶴駕，禁曰鶴禁。劉向列仙傳

當壁者立

楚共王無冢，適有寵子五人，無適立焉。乃有大事于羣望而祈，曰：請神擇於五人者。曰：當壁而拜，埋壁於大堂之庭，再拜皆壓紐者，神所立也。旣乃與巴姬密使五人齋而長入拜，康王跨之。靈王肘加焉，子干子皙皆遠之。平王弱抱而入，再拜皆壓紐，聞

常龜屬成然焉。且曰：棄禮違命，楚其危哉。昭十二

撫軍監國

晉侯使太子申生伐東山臯，落氏里克諫曰：太子奉冢祀社稷之粢盛，以朝夕視君膳者也。故曰冢子。有行則守，有守則從。從曰撫軍，守曰監國，古之制也。夫帥師專行謀，誓軍旅，君與國政之所圖也。非太子之事也。師在，制命而已。在閔二

廢立侯命

衛靈公逐其世子蒯聵，公薨而國人立蒯聵之子輒。於是晉納蒯聵而輒拒之。先衛蒯聵得罪於父而出奔於宋，靈公未嘗有廢之之命而更立也。子靈公死，衛人立輒而拒蒯聵，是輒之立非有靈公之命安得利其位而拒之。胡管見

或之始焉。成身之。人卷高而司。八。古。五。八。八。

治亂所關

晉獻公以驪姬故廢太子立奚齊晉亂者數十年秦以不早定扶蘇胡亥立自使滅祀叔孫通傳

四皓調護

高祖欲易太子留侯諫不聽及燕置酒太子侍東園公用里先生綺里季夏黃公從太子皆八十餘鬚眉皓白上怪之四人前對各言姓上大驚曰煩公等卒調護太子

不當將兵

漢張良傳鯨布友上疾欲使天子往擊之良本招四人者謂建成侯呂澤曰太子將兵有功位不益無功則從此受禍且諸將皆與上定天下良將也今使太子將之無異使羊將狼皆不肖

爲用無功必矣

所當蚤建

文帝元年有司請蚤建太子所以尊宗廟也詔曰今縱不能博求天下賢聖而嬪天下而曰豫定太子是重吾不德也有司固請曰子啟最長請建以爲太子

提殺太子

孝文時吳太子入見得侍皇太子飲博太子引博局提吳太子殺之吳王由是怨望

輔以智術

晁錯拜太子家令以其辯得幸太子太子家號曰智囊

受詔立幼

武帝時寵姬趙婕妤有男上心欲為嗣命大臣輔之察羣臣唯
霍光可屬社稷上廼使黃門畫者畫周公輔成王朝諸侯以賜
光上病篤光泣問曰如有不諱誰當嗣者上曰君未諭前畫意
耳立少子君行周公之事上以光為大將軍受遺詔輔少主昭
帝崩霍光奏議曰武帝曾孫病已有詔掖庭養視至今年十八
師受詩論語孝經操行節儉慈仁愛入可以嗣孝昭皇帝奏可

使通賓客

武帝年二十九乃得太子甚喜少壯詔受公羊春秋及冠就宮
上為立博望苑使通賓客從其所好故多以異端進者納史良
娣產子男進號曰史皇孫武帝末衛后寵衰江充用事充與大
子及衛氏有隙會巫蠱事充因此為姦白言宮中有蠱氣遂至

太子宮掘蠱得桐木人太子急具白皇后發中廐車載射士出
武庫兵斬充以徇與丞相劉屈氂等戰長安中擾亂言太子反
吏捕圍太子太子自經與皇孫二人皆遇害久之巫蠱事多不
信上遂族滅江充家上憐太子無辜乃作思子宮為歸來望思
之臺於湖天下聞而悲之

生於甲觀

元帝在太子宮生甲觀畫堂如淳曰甲觀觀名畫堂堂名師古
曰甲者甲乙丙丁之次也應劭曰甲觀在太子宮甲地

亂我制度

元帝八歲立為太子壯大仁柔好儒見宣帝以刑名繩下云云
帝曰漢家自有制度亂我家者太子也由是疏太子

不絕馳道

成帝為太子初居桂宮上嘗急召太子出龍樓門不敢絕馳道
西至直城門得絕乃度還入作室門上遲之問其故以狀對上
大悅乃著令云太子得絕馳道門樓上有銅龍

作歌四章

漢明帝作太子樂人以歌四章贊太子之德一曰日重光二曰
月重輪三曰星重暉四曰海重潤古今注

坐氊着針

晉隱懷太子傳舍人杜錫每以忠規勸太子太子怒使人以針
着錫所坐氊中而刺之

娶嘗擇賢

晉武帝娶楊后生惠帝初為太子謀昏又不失上欲娶衛護女
楊后欲娶賈充女充妻郭酷妬夙著上曰衛公女可賈公女不
可衛家女賢而多子端正而長賈女家種妬而少子醜惡而黑
短郭氏使輸物楊后遂納賈妃後亂晉國史

菜去邪蒿

刑峙為博士授太子經厨人進食有菜曰邪蒿峙命去之曰此
菜有不正之名非殿下所食北史

兄弟相屠

唐太宗功高高祖屢許以為太子太子建成懼廢與齊王元吉
謀害太宗未發九年太宗以兵入玄武門殺太子建成及齊王
元吉高祖懼乃以太宗為皇太子

雙陸不勝

唐武后欲以武三思為太子以問宰相狄仁傑曰臣觀天下未厭唐德云云今欲繼統非盧陵不可后怒罷議久之召謂曰朕憂雙陸不勝何也對曰雙陸不勝無子也天其以傲陛下乎后感悟即日遣徐彥伯迎王於房州狄傳

入宮備選

紹興壬子詔知太宗正事安定郡王今時訪求宗室伯字號七歲以下者十人入宮備選十人中又擇一人焉一肥一廩廩留肥而遣廩賜銀三百兩以謝之未出思陵忽云更子細觀廩令二人又手並立忽一猶走前肥者以足傲之上曰猶偶然而過何為遽賜之輕易如此安能任重耶遂留廩而遣肥者廩乃阜

陵肥者名伯浩後終於溫州都監揮塵錄

請建太子

仁宗朝宰相韓琦等與同列奏事垂拱殿讀司馬光呂誨一章未及有所啟上曰朕有此意多時矣但未得人因左右顧曰宗室中誰可者琦曰此事非臣下敢言當出自聖擇上曰宮中養子二人小者不慧大者可也明日奏事又啟之上曰央無疑也時宗實猶居父喪乃議起復泰州防禦使知宗正寺至和末上得疾文彦博等勸上早立嗣會疾愈寢其奏既而范鎮司馬光言尤激切包拯為御史中丞又力言之上卒未許如是五六年言者頗怠一日琦取孔光傳懷之以進曰漢成帝即位二十五年無嗣立弟之子定陶王為太子成帝中才之主猶能之以薛

下之聖何難哉願陛下以太祖之心為心則無不可者司馬又
面奏曰唐自文宗以後立嗣皆出於左右之意至有稱定策國
老門生天子者此禍可勝言哉上大感悟遂送中書光至古書
見琦等曰諸公不及今議異日禁中傳寸紙以某人為嗣則天
下莫敢違琦等唯唯長編

古今文集

雜著

治安策

賈誼

古之王者太子乃生固舉以禮使士負之有司齊肅端冕見之
南郊見于天也過闕則下過廟則趨孝子之道也故自為赤子
而教固已行矣故提孩有識三公三少明孝仁禮義以道異之

逐去邪人不使見惡行於是皆選天下之端士孝悌博聞有道
術者以衛翼之使與太子居處出入故太子乃生而見正事聞
正言行正道左右前後皆正人也夫習與正人居之不能不正
猶生長於齊不能不齊言也習與不正人居之不能無不正猶
生長於楚不能不楚言也孔子曰少成若天性習貫如自然及
太子少長知妃色則入于學學者所學之官也禮曰帝入東學
上親而貴仁帝入南學上齒而貴信帝入西學上賢而貴德帝
入北學上貴而尊爵帝入太學丞師問道則德智長而治道得
矣

皇太子箴

周王褒

臣聞教化爰始詠歌不足政俗既移風雅斯變伏惟皇明御寓

功均造物。改文為質。斷雕成素。皇太子海雷居震明。兩作離春。夏干戈。秋冬羽籥。叔善慙。五稱之對。師曠隆。四馬之恩。切以太史官箴。虞書所誠。永樹芳烈。丞相所以垂文。深覩安危。大傳以乏陳訓。敢自斯義。獻箴云爾。

天生蒸民。司牧斯樹。咸熙庶績。式昭王度。惠民垂統。元良繼體。麗正離暉。惟機天啟。令問令望。聞詩聞禮。從曰撫軍。守曰監國。秋坊通慶。春官養德。桓榮獻書。荀攸觀則。元子為主。齒卿命秩。朝服寢門。迴車作室。正陽君位。喬枝父道。臣子所崇。忠孝為寶。勿謂居尊。禍福無門。勿謂親賢。王道無偏。無為慮始。無為事先。損之又損。而全之亦全。無往不復。無平不陂。美哉甘言。鮮不為累。則哲為難。知人未易。居室為善。分陰無棄。亡保其存。危安其

位。神聽不惑。天妖斯忌。文昌著於前星。桓邑由於守器。庶脩司箴。敢告蘭寺。

順宗立皇太子冊文

建儲貳者必歸於冢嗣。固邦本者允屬於元良。咨爾元子。廣陵王某。幼挺岐嶷。長標洵淑。佩詩禮之明訓。宣惠孝之弘規。居惟保和。動必循道。識達刑政。器合溫文。愛敬奉於君親。仁德聞於士庶。神祇龜筮。罔不協從。是用命爾為皇太子。於戲。維我烈祖。之有天下也。功格上帝。流祚無窮。光續洪業。運予十葉。虔恭寅畏。日慎一日。付爾以承祧之重。勵爾以主鬯之勤。以貞萬國之心。以揚三善之德。爾其尊師重傅。親賢遠佞。非禮勿踐。非義勿行。對越天地之耿光。丕承祖宗之休烈。可不慎歟。

皇太子受冊賀儀

汪藻

仰法前星肇開儲禁慶關宗社禮絕臣鄰中賀共惟殿下胄出神明生知忠孝夙稟刑家之訓居無在傳之勤震一索而得男蚤膺春命月三日而成魄難徇搗謙兼隆監撫之名進極褒嘉之數載錫瓊瑰之冊爰頒青輅之旂某幸託宗暉欽承友順盛典方昭於官壺歡誠敢後於簪紳

立皇子賀皇帝表

趙汝談

明詔選宗俾席帝圖之慶懿親入侍式蕃王室之強邦本益隆輿情足附中賀伏以似續所以宅元祀稱謂所以係衆心於皇家克灼休命恭惟陛下孝綏宗廟仁恤旬侯雖大疑罔間庶民每垂清問然獨斷有超世主一出至公深惟神明之資近在

昆弟之子夙夜謹度被器遇之已殊中外具瞻會嫡長之當建爰升上嗣以弼丕基人謀與能天迪從保臣叨居末屬欽仰閔謨誦嘉祐之制書幸今復見望長安之謁舍班賀無從

立皇子賀皇后儀

趙汝談

繼別承祧肇自商周之典定封建本莫如魯衛之親藩邸應祥宸闈交慶中賀共惟殿下宅深而慮遠積厚而流光顧自嗣以誰堪贊帝謨而親決擇宗惟近立長不疑軍國之敬口嚴神民之歡允叶臣承聞大慶服在遠方雞旦三朝海上徒瞻於魏闕鴻基萬祀宮中應奏於雲門

律詩

壽皇太子

楊萬里

地出雷初震天昇日更重高飛千里鶴潛躍九淵龍隆準如高
帝虬鬚似太宗八荒陰賜裏戶戶是堯封

又

重九吹花節千齡夢日時東朝分菊水南內賜茱枝禹酒無多
酌堯尊更一卮三宮千萬壽剩費若干詩

又

繼照姿天縱分陰學日勤橘中招綺夏瓜處屏在文老別漁竿
月來依鶴禁雲還將古為鑑聊寓野人芹

壽皇太子

趙彥端

日日龍樓閣寢時鷄人未動漏花遲前星一點朝天節只有清
臺大史知

又

子晉吹笙未是仙阿丕橫槊少全篇小吟青著梅稍句一日東
風四海傳

又

光堯初御六龍天上直參維大火躔天意分明昌宋德誕辰王
世總千年

新編古今事文類聚前集卷之二十一終

事文類聚前集

卷之二十一

二十一終

早稲田大学図書館

011488505450